



**ЎЗБЕКИСТОН РЕСПУБЛИКАСИ
БОШ ДАВЛАТ ВЕТЕРИНАРИЯ ИНСПЕКТОРИНИНГ
ҚАРОРИ**

Қозоғистон Республикасидан парранда маҳсулотларини республикамиз худудига олиб киришга ва Республикамиз худуди орқали транзит ўтказишга вақтинча чеклов ўрнатиш тўғрисида.

Тадбиркорлик субъектлари томонидан республикамиз худудига Ўзбекистон Республикаси давлат ветеринария хизмати назорати остидаги товарлар (парранда маҳсулотларини) импорт қилишда қўйиладиган ветеринария (ветеринария-санитария) талабларига амал қилмаган ҳолда импорт қилиш ва Республикамиз худудидан парранда маҳсулотларини транзит ўтказишида Мустақил Давлатлар Ҳамдўстлиги давлатлари Ҳукуматлараро ветеринария соҳасидаги хамкорлик кенгашининг (Брест ш. 12.05.2016 й.) қарори билан тасдиқланган “Чорвачилик маҳсулотларини Халқаро ва давлатлараро ташиида ягона ветеринария назорати қоидалари”нинг 7.6 банди ҳамда берилган рухсатнома талаблари бузилган ҳолда транспорт воситаси йўналиши ўзгартирилган ҳолда бошқа автотранспорт воситасига ортилиш ҳолатлари аниқланди.

Мустақил Давлатлар Ҳамдўстлиги давлатлари Ҳукуматлараро ветеринария соҳасидаги хамкорлик кенгашининг (Брест ш. 12.05.2016 й.) қарори билан тасдиқланган “Чорвачилик маҳсулотларини Халқаро ва давлатлараро ташиида ягона ветеринария назорати қоидалари” ҳамда Ўзбекистон Республикаси “Ветеринария тўғрисида” Қонунининг 24-моддасига мувофиқ мамлакатимиз худудини четдан паррандаларнинг юқумли касалликлари кириб келишидан муҳофаза қилиш, озиқ-овқат маҳсулотлари хавфсизлигини таъминлаш мақсадида Ўзбекистон Республикаси Бош давлат ветеринария инспектори қарор қиласди:

1. Парранда касалликлари республикамиз худудига кириб келишининг олдини олиш ҳамда озиқ-овқат маҳсулотлари хавфсизлигини таъминлаш мақсадида Қозоғистон Республикасидан парранда маҳсулотларини республикамиз худудига олиб киришга ва транзит ўтказишга вақтинча чеклов ўрнатилсин.

2. Қозогистон Республикасидан парранда маҳсулотларини импорт қилишга ва транзит ўтказишга нисбатан рухсатнома ва ветеринария гувоҳномалари расмийлаштирилиши тўхтатилсин;

Қарор эълон қилингунга қадар экспортёр давлат томонидан ветеринария хужжатлари белгиланган тартибда расмийлаштирилиб ортилган (йўлга чиққан) товарлар бундан мустасно.

3. Давлат чегараси ва транспортдаги бош давлат ветеринария инспектори (Б.Рузибаев):

Республикамиз худудига парранда маҳсулотлари Ўзбекистон Республикаси давлат ветеринария химати назорати остидаги товарларни импорт қилишда кўйиладиган ветеринария (ветеринария-санитария) талабларига амал қилган ҳолда импорт қилиниши устидан қатъий назорат ўрнатилсин.

4. Қорақалпоғистон Республикаси, вилоятлар ва Тошкент шаҳар бош давлат ветеринария инспекторлари, давлат чегараси ва транспортдаги бош давлат ветеринария инспектори жисмоний ва юридик шахсларга юқорида кўрсатилган давлат ветеринария хизмати назорати остидаги товарларни республика худудига импорт қилишга ва транзит ўтказишга нисбатан рухсатнома ва ветеринария гувоҳномалари расмийлаштирилиши тўхтатилганлиги тўғрисида кенг қамровли тушунтириш ишларини олиб борсин.

5. Кўмитанинг Ахборот хизмати бўлими (А.Суюнов):

Ушбу қарор ветеринария ва чорвачиликни ривожлантириш давлат органлари ва муассасалар, тегишли вазирлик ва идоралар, корхона ҳамда ташкилотлар, шунингдек, мулкчилик шаклидан қатъий назар барча турдаги юридик ва жисмоний шахсларга етказилсин ҳамда оммавий ахборот воситаларида ёритилиши таъминласин.

6. Ушбу қарор расмий эълон қилинган кундан эътиборан кучга киради.

7. Ушбу қарорнинг ижросини назорат қилиш Ўзбекистон Республикаси Бош давлат ветеринария инспекторининг ўринбосари А.Акбаров зиммасига юклансин.

Ўзбекистон Республикаси
Бош давлат ветеринария инспектори

—
Б.Норқобилов

Тошкент ш.,
2020 йил “04” 09
10- сон

